

HEADLINES

- ۱۔ جموں کشمیر سرکار نے سڑک تحفظ پالیسی ۲ ہزار ۵۲ غو اعلان کیو ہے جس غے تحت سال ۲ ہزار ۰۳ توڑی سڑک حادثان مانہ ہون آلی اموات نانہ ۰۵ فی صد کہٹ کرن گو ہدف طے کیو گیو ہے۔
- ۲۔ خارجہ امور غی وزارت نے ریل ہائی جیکنگ معاملہ ور پاکستان غا بھارت غے خلاف رد عمل نانہ رد کیو ہے۔
- ۳۔ جموں کشمیر مانہ بولی غو تہوار بڑی دھوم دھام نال منایو گیو لیفٹیننٹ گورنر منوج سنہا تے وزیر اعلیٰ عمر عبداللہ نے عوام نانہ بولی غی مبارک باد پیش کی ہیں۔
- ۴۔ سرکار نے جموں ضلع غے اندر ۵ صنعتی پارک قائم کرن گو منصوبو تیار کیو ہے جس نال تقریباً ۲ ہزار افراد نانہ روزگار غا موقعہ فراہم ویں گا سرکار نے ملازمین تے پینشن حاصل کرن آلا افراد غو ڈی اے وی ۲ سو ۶۴ فی صد بدھایو ہے۔
- ۵۔ کھیڈ وزارت نے ۲ ہزار ۵۲ کھیڈان مانہ عمر فراڈ معاملن ور قومی کوڈ ڈرافٹ کاطر عوام کولوں رائے طلب کی ہے۔

ROAD SAFETY

سڑک حادثان گی روک تھام تے سڑک حادثان مانہ زخمی تے وفات پان آلا افراد غی شرح نانہ کٹان خاطر سرکار نے جموں کشمیر سڑک تحفظ پالیسی ۲ ہزار ۵۲ جاری کی ہے۔ اس نوی پالیسی غے تحت سرکار نے سال ۲ ہزار ۰۳ توڑی سڑک حادثان تے ان حادثان مانہ ہون آلی اموات غی شرح نانہ ۰۵ فی صد تک کٹان غو ہدف طے کیو گیو ہے اس ضمن مانہ سڑک ور اپنا تحفظ خاطر سرکاری محکمان غی طرفوں کئی بیداری پروگرام منعقد کیا جئیں گا۔ نوی متعارف کرائی گئی سڑک تھفظ پالیسی غے تحت متعلقہ اداران گا نظام نانہ مزید بہتر بنانو تے ریاستی سڑک تحفظ کونسل غی تشکیل شامل ہے تے اس کونسل غی سربراہی آمدرفت غا متعلقہ وزیر کریں گا اس تیں علاوہ اضافی ٹرانسپورٹ کمشنر وی اس کونسل غی سربراہی کریں غا سڑکاں کنڈے بنائی گئی پارکنگ غا پیسہ میونسپل یا ترقیاتی اتھارٹی وصول کرے گی۔ سڑکاں ور گڈیاں گا دباؤ نانہ کہٹ کرن خاطر سرکار نے سرکاری آمدرفت نظام نانہ فروغ دین غو فیصلو لیو ہے مزکورہ پالیسی ور اطمینان غا اظہار کرتا وان ٹرانسپورٹ غا وزیر ستیش شرما نے کہیو کہ اس سڑک تحفظ پالیسی ۲ ہزار ۵۲ نال جموں کشمیر غے اندر ٹریفک نظام مانہ بہت بہتری آوے گی تے جموں کشمیر ٹریفک پولیس تے دیگر متعلقہ محکمان نانہ ٹریفک قوانین غی خلاف ورزی کرن آلاں گے خلاف فوری کاروائی کرن تے جرمانہ عائد کرن غی ہدایت کی گئی ہے۔

INDIA PAKISTAN

بھارت نے پاکستان غی طرفوں اپنا اُپر لایا گیا ریل ہائی جیکنگ کرنغا الزام نانہ بے بنیاد قرار دتو ہے وزارت خارجہ غا ترجمان رندیر جیسوال نے زرائع ابلاغ غا سوال گو جواب دیتا وان کہیو کہ بھارت ان الزامات نانہ سختی تیں مسترد کرے۔ انہاں نے مزید کہیو کہ عالمی دہشت گردی غو مرکز کت ہے۔ جیسوال نے کہیو پاکستان نانہ دوجاں ور انگلی چان تیں پیلاں اپنا اندرونی مشکلات تے اپنی ناکامیابیاں ور گور کرنو چاہیے۔

HOLI OVERALL

پورا ملک غی طرح جموں کشمیر غے اندر وی رنگاں گو تہوار بولی بڑی دھوم دھام نال منایو جارہیو ہے یو تہوار اچھائی غی برائی ور جیت تے موسم بہار غی و مد غ و پیغام دے یوہ تہوار امن بھائی چارہ تے برابری غو پیغام دے۔ تے سماج غا ہر طبقہ تیں تعلق رکھن آلا افراد نے بری خوشی نال اج بولی منائی اس موقعہ ور جموں کشمیر غا لیفٹیننٹ گورنر منوج سنہا تے وزیر اعلیٰ عمر عبداللہ نے عوام نانہ بولی غی مبارک باد پیش کی ہیں تے نیک خواہشات گو اظہار کیو ہے۔

RAJOURI HOLI

ضلع راجوری مانہ لوکاں نے آپسی بھائی چارہ غی مچال قائم کرتا واں ہر مزب غا افراد نے مل غے بولی غ اہوار غی خوشی منائی اس دوران لوکاں نے ایک دوجا ور رنگ لایا تے ڈھولاں غے نال آپسی مانہ مٹھائی وی تقسیم کی۔ یوہ پروگرام سول سوسائٹی راجوری غی طرفوں ضلع انتظامیہ راجوری ڈی سی راجوری ایس ایس پی راجوری تے رکن اسمبلی راجوری غا سانجہ تال میل نال منعقد کرایو گیو راجوری غا ممبر اسمبلی نے اس پروگرام مانہ شرکت کی تے عوام نانہ بولی غی مبارک باد پیش کی۔ اس موقعہ ور بولتا مانہ ڈپٹی کمشنر راجوری ابھیشیکہ شرما نے اس طرح کہیو۔

HOLI SAMBA

ملک گا بقی حساں غی طرح ضلع سانہ مانہ وی بولی گو تہوار بری دھوم دھام نال منایو گیو اس دوران ہمارا ضلع نمائندہ نال بولی غا تہوار غی کوشی غو اظہار کرتا مانہ کجھ نوجواناں نے اس طرح کہیو۔

JUMMA NAMAZ

رمضان غامقدس مہینہ غے اندر بڑی تعداد مانہ مسلماناں نے ضلع کٹھوعہ غی جامع مسجد مانہ نماز جمع ادا کی اس دوران نمازیان نے جموں کشمیر غے اندر امن تے ترقی غی دُعا کی مسلم ویلفیر کمیٹی غا صدر شکیل احمد نے کہیو کہ یوہ دن بندواں تے مسلماناں وستے بڑی اہمیت رکھے کیو نجے دوئے مزبیاں گا لوک مل غے تہوار منا رہیا ہیں اُناں نے بولی غا موقعہ ور ہندو برادری غا افراد نانہ مبارک باد پیش کی تے بھائی چارو قائم رکھن ور اُن غ و شکریو وی ادا کیو تے اس موقعہ ور بولتا شکیل احمد نے اس طرح کہیو۔

EARTHQUAKE

اج سویرے لداخ تے کرگل غے اندر زلزلو محسوس کیو گیو جس غی شدت ۵ اشاریہ ۲ دسی گئی ہیں زمین غے اندر ہون آلی حرکتاں ور نظر رکھن آلا قومی مرکز نے دسیو ہے کہ اس پڑچل غو اثر جموں کشمیر مانہ وی محسوس کیو گیو یوہ زلزلو رات ۲ بج غے ۰۵ منٹ ور آیو جس گو مرکز زمین غے اندر ۵۱ کلو میٹر ور دسیو گیو ہے اس زلزلہ نال کسے وی جانی یا مالی نقصان غی کوئے خبر نہیں ہے۔

INDUSTRY

جموں کشمیر غے اندر سرکار نے صنعت و حرفت محکمہ نانہ ۵ سو کنال زمین منتقل کی ہے تے ضلع جموں غی ۴ تحصیلاں غے اندر ۵ صنعتی پارک قائم کرن خاطر یاہ زمین متعلقہ محکمہ نانہ دتی گئی ہے۔ آکاشوانی جموں غ انمائندہ نے خبر دتی ہے کہ حالیہ بجٹ اجلاس غے دوران بی جے پی لیڈر تے ممبر اسمبلی جموں نارتھ شام لعل شرما نے اس ضمن مانہ سرکار تیں ایک سوال کیو تھو

جس غو جواب صنعت وضرفت غا وزیر سریندر چوہدری نے لکھت مانہ دتو صنعتی پارکاں وستے مختص کی گئی اس زمین ور اکھنور آر یاس پورہ ڈیلی تے جموں تحصیلاں غے اندر صنعتی مرکز قائم کیا جنیں گا تے اُمید کی جارہی ہے کہ ان صنعتی مرکزوں نال مقامی لوکاں نانہ روز گار غا موقعہ فراہم ویں غا تے تقریباً ۲ ہزار ۴۷ افراد وستے روز گار غا موقعہ میسر ویں غا اس ضمن مانہ منتقل کی گئی ۵ سو کنول زمین وستے کل ۱۴ سرمایہ کاراں نے اندراج کرایو ہے۔

DA INCREASED

جموں کشمیر سرکار نے ۶ واں تنخواہ کمیشن کے تحت ملازماں تے پنشنراں واسطے مہنگائی الاؤین نانہ بنیادی تنخواہ ور پنشن نانہ ۲ سو ۹۳ فی صد بدھا غے ۲ سو ۶۴ فی صد کردتو ہے۔ آکاشوانی جموں گا نامنیدہ نے اطلاع دتی ہے جے محکمہ خزانہ غی طرفوں جاری کردی اک حکمنامہ گے مطابق نظر چانی ڈی ای ۱ جولائی ۲ ہزار ۴۲ تیں جاری وے گو۔ اس سلسلہ مانہ جولائی ۲ ہزار ۴۲ تیں فروری ۲ ہزار ۵۲ تک غی اضافی قسط غا بقایا جات مارچ ۲ ہزار ۵۲ مانہ نقد رقم مانہ ادا کیں جنیں غا تے اس تیں بعد غی مابانہ تنخواہ تے پنشن مانو شامل ویں غا۔

NORTHEAST SAFFRON HUB

سائنس تے ٹیکنالوجی غا مرکزی وزیر مملکت ڈاکٹر جتندر سنگھ نے کہیو ہے کہ بھارت غو شمال مشرقی علاقو وکست بھارت غا نظریہ وستے کافی اہمیت رکھے تے یوہ علاقو ملک غو آن آلو زعفران غی پیداوار غو اہم مرکز بن جے گو۔ جناب سنگھ نے کہیو کہ مشن زعفران غے تھت سرکار سکیم اروباچل پردیش تے میگالیا مانہ زعفران غی کھیتی ور خصوصی توجہ دے رہی ہے تے اس غی کاشت غو رقبو وی کافی وسیر کیو گیو ہے۔ اس برا منصوبہ غی خاطر موصوف نے شیلانگ مانہ شمال مشرقی مرکز برائے ٹیکنالوجی اپلیکیشن اینڈ ریچ غو نی پتھر رکھیو اس دوران موصوف نے کہیو کہ اروناچل پردیش غے منچوکسا تے سکیم غا یکسوم علاقہ مانہ برا پیمانہ ور زعفران غی پیداوار ہو رہی ہے تے اس پیداوار نانہ ناگالینڈ تے منی پور تک بدھاں غو منصوبو تیار کیو گیو ہے اس منصوبہ غی کامیابی عمل آوری ور بھارت غو شمال مشرقی علاقو زعفران غی پیداوار غو جموں کشمیر تیں بعد دوجو بڑو مرکز بن جے غو۔

FISHERIES

قومی ماہی پروری ترقیاتی بورڈ گا پروگرام غے ٹھت رام بن مانہ مچھلی پالن آلا محکمہ نے مختلف آگاہی کیمپاں گو انعقاد کیو تانجے ماہی پروری تیں وابستہ کساناں غی صلاحیتاں مانہ اضافو کیو جاسکے۔ اس قدم غو مقصد ماہی پروری تے آبی زراعت مانہ کاروبار جدید ٹیکنالوجی تے پائیدار نانہ فروغ دینو ہے۔ تانجے پیداوار تے کارکردگی نانہ بہتر بنایو جاسکے۔ ان کیمپاں مانہ کساناں نانہ مرکزی حکومت غی سپانسرڈ شدہ سکیمیاں تے سبسڈی غا فائدہ بارے آگاہ کیو جارہیو ہے۔ اس سلسلہ مانہ فشریز محکمہ رام بن غا اسٹینٹ ڈائریکٹر اتا اللہ خان نے اس طرح کہیو۔

SPORTS MINISTRY

نوجوانان تے کھیڈ غی وزارت نے قومی کوڈ ۲ ہزار ۵۲ غا مشعودہ ور عوام تے متعلقہ افراد تیں رائے منگی ہے تانجے کھیدان مانہ عمر غی دھوکہ دڑی نانہ روکیو جاسکے اس غو مقصد عمر غا غلط اندراج نانہ روکنو حقیقی کھیڈاریاں غو تحفظ کرنو تے منصفانہ مقابلان نانہ یقینی بنانو بے تجویز کردہ قوانین مانہ عمر غا جالی ریکارڈ ور سخت سزا مرکزی تصدیقی نظام لازمی عمر غی جانچ قیو آر کوڈ آلو شناختی کارڈ تے مشتبہ معاملات مانہ طبی معائینہ شامل ہیں۔ عوام تے متعلقہ ادارا اپنی تجاویز وزارت نانہ اس مانہ غی ۱۳ تاریخ توڑی پھیج سکیں۔
